

Izjava Visokog predstavnika i Šefa Misije OSCE-a podržana od Privremene izborne komisije

Sarajevo, 11.11 2000 – Visoki predstavnik i Šef Misije OSCE-a pozivaju političke stranke da bez odlaganja sazovu konstituirajuće sjednice zakonodavnih tijela na svim nivoima vlasti za koje se 11. novembra održavaju izbori. Također, traže da novoizabrana tijela djeluju brzo, i unutar ustavnih rokova, da izaberu predstavnike u posredno birana tijela, te da formiraju vlade na nivou države, entitetskim i kantonalnim nivoima. Birači Bosne i Hercegovine zaslužuju nesmetanu, brzu, demokratsku tranziciju sa starih vlasti na nove.

Nesmetani prijenos vlasti iziskivaće potrebu brzog sazivanja kantonalnih skupština kako bi se izabrali članovi Doma naroda Parlamenta Federacije BiH, koji će nakon toga izabrati članove Doma naroda parlamentarne skupštine BiH. Slično tome, Narodna skupština RS mora se sastati kako bi se formirala nova vlada te izabrali članovi Doma naroda Parlamentarne skupštine BiH. Visoki predstavnik i Šef misije OSCE-a smatraće nepoštivanje rokova sazivanja prvih sjednica novoizabranih skupština, od strane političkih stranaka, ozbiljnim kršenjem Pravila i propisa.

Razvojem događaja u Hrvatskoj i Saveznoj Republici Jugoslaviji region se mnogo brže kreće prema stabilnosti, demokratiji i ekonomskim reformama. Važno je da BiH odigra svoju ulogu u ovom procesu. Kako bi se ovo i dogodilo, nova izvršna i zakonodavna tijela u BiH moraju početi što prije sa radom nakon izbora.

Dok se ne uspostavi nova vlast, puno poštivanje prihvaćenih demokratskih prava i ustavnih procedura će i dalje biti odgovornost svih odlazećih vlasti. Dužnost je ovih odlazećih vlasti da vode računa o demokratskim institucijama u kojima obavljaju svoje funkcije. Odlazeće vlasti dužne su osigurati da su domaće institucije u mogućnosti ispunjavati obaveze na kontinuirani i neprekinut način, te tako djelovati u skladu sa potrebama i pravima građana. Na žalost, ovo nije bila uobičajena praksa u Bosni i Hercegovini tokom zadnjih godina. Odlazeće vlasti i političke stranke ponekad su zloupotrebljavale svoju ulogu čuvara institucija, otimajući imovinu i resurse od državnih institucija.

Već smo bili svjedoci kako su političke stranke u skupštini Unsko-sanskog kantona zajedno djelovale da povećaju doprinose političkim strankama za 250.000 KM nedelju dana prije izbora, smanjujući sredstva

namjenjena za potrebe građana za preko 200.000 KM. Takva zloupotreba vlasti je spriječena jedino odlučnim reagovanjem Međunarodne zajednice.

OSCE i Ured Visokog Predstavnika će nadgledati provedbu izbornih rezultata novembarskih izbora kako bi se osiguralo da se ovaj proces odvija u skladu sa članom 119 Pravila i propisa Privremene izborne komisije. Na osnovu Pravila Privremene izborne komisije, Visoki Predstavnik i Šef Misije OSCE-a, u svojstvu Predsjedavajućeg Privremene izborne komisije mogu proslijediti predmet Privremenoj izbornoj komisiji ili Izornoj apelacionoj potkomisiji u slučajevima kada provedba nije u skladu sa Pravilima i propisima ili opće prihvaćenim demokratskim načelima.

Visoki Predstavnik i Šef Misije OSCE-a očekuju opredijeljenost svih političkih stranaka, odlazećih vlasti, kao i novoizabranih funkcionera da ispune svoje obaveze prema narodu Bosne i Hercegovine te da izvrše uspostavu nove vlasti na odgovoran način.

Za detaljnije informacije molimo kontaktirajte glasnogoovrnika OSCE-a Luke Zahnera na ++387/(0) 33 - 292 - 222 ili ++387/(0) 66 - 165 - 038 ili glasnogoovrnika OHR-a Chris Birda na ++387/(0) 33 - 283 - 536 ili ++387/(0) 66 -133 - 527.